

НОВАБРТЬ

22-це шистонза 1940 кизоня

129 (1781) №

ПИТНЕЦ 5 тр.



# Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЬ ГОРКОМЪ ГАЗЕТАСНА

ЛИСЕНДИ

8-це НИЗОСЬ

Адрессь: г. Саранск,  
Советская ул., Дом печати.

## Цебяргофтомс политпросветучреждениятнень работаснон

Аф азомшкаста касы шиста-шис велеса трудящайхнень культурнай запроссна. „Колхознай стройсь, корхтась М. И. Калинин ялгась, создал велеса основа подлиннай культурнай революции... Аш кода мирендамс сянь мархта, штоба трудящайнъ депутатонъ местнай Советтне равнодушнайста относились ба изба-читальнятнень, клубнень, ДСК-тнень, библиотекатнень калдяв работаснон лангс и афольхть няфне синь колгаст забота“.

М. И. Калинин ялгать нят указаниязна относятся аф анычек местнай Советтнень, но синь тяфтажа целиком и полностью относятся Ленинско-Сталинский комсомольт эрь шинь работанцы.

Эряви азомс, што Мордовский республикаса политпросветучреждениятнень работасна лама районга ащи пяки пяк калдявста. Тяфтама калдяв работась васендакиге азовдови сянь мархта, што ВЛКСМ-нь райкомтнень видеса культурно-массовой работать коряс кой-кона комиссиятне мяктя пингс ашезь шарькоде тя пяк важнай задачаснон. И, кода результат, лама вастова нят учреждениятне, кода кизонда, а стәнежа тялонда, совершенна бездействовандайхть, а кой-коса синь шарффт лия учреждениянди.

Аш кода валхнемс ответственность тя работать инкса ВЛКСМ-нь райкомонъ секретарьхнень лангста, конат, кстаи можна азомс, тя тевть лувсазь второстепеннай тевкс. ВЛКСМ-нь Ичалковский райкомонъ секретарсь Свекло ялгась политпросветучреждениятнень работанъ состоянияснон сода-сы анычек вообще, мезень сюнеда тя районца колма клубт заняфт колхознай сьороса, а фкя клубсь максф участковой нарсудти.

Аф сяда цебярста ащи тевсь Рузаевкань, С.-Синдровань, Ширингушенъ и С.-Шайговань райотнень эсонга.

Комсомольт инголе тяни ащи боевой задача—анокламс просветительнай учреждениятнень тялоти и сатомс, штоба „синь должны иметь чистой, уютнай помещениат, цебярь оборудования, штоба колхозникне удовольствия мархта культурнай обстановкаса могли йотафтомс эсь досугснон, занимадамс самообразования, кулхондомс радио, участвовандамс эсь колхознай хорса, оркестраса, спектакольса“ (М. Калинин).

## ЦЕБЯРЬ РАБОТАНКСА КАЗЬФ

Сире Синдрова велеса письменносецкс работай Борискина Евдокьясь, конад эсь обязанностевон пшкотькшнесыне честна и добросовестна.

Борискина ялгась эсь настойчивай работанц вельде тя кизоня распространил пцтай 1000 экземпляр газет и журнал.

Кода цебяръ и инициативнай работниконь Старо-Синдровский свя-зень конторась Борискина ялгать казеде ярмаконь премияса.

П. Тултаев.



Бессарабиянъ населении советский паспортонъ максомась СНИМКАСА: Паспортнай омбоце участкаса, конад работай Кишиневский табачнай фабрикаса, васенце паспортсь максф гильзавой цехста стахановкати—много-станочницати Серафима Владимировна Бокшанина ялгати. Бокшанина ялгась эрь шинь норманц пшкотькшнесы 250—270 процентс.

Фотось В. Ивановъ.  
(ТАСС).

## ПЯШКОДЕМС ПОЧЕТНАЙ ЗАДАЧАТЬ

Мизерянский неполный средний школанъ педколлективсь марса первичнай комсомольский организациять мархта вишкста кярмодсь неграмотность и малограмотность машфтомаса работати. Нинге сентябрь ковть песта школанъ дирекциясь йотафть педагогический совещания, коса ульсь путф кизефкссь аф грамотнайхнень и малограмотнайхнень тонафнемаснон колга. Тяка жа совещанияса учительхненьди ульсь кемекостаф 4—5 аф грамотнай и малограмотнай.

Сянь ингса, штоба нормальная йотнелхть занятиятне, школанъ дирекциясь и велень советонъ исполкомсь наметили план, коса конкретна няфтьф мзяра частт эрь шиня занимадамс, штоба куроконь пингста пшкodemс тя ответственнай задачатъ.

Тяфтама организационнай работада меле октябрь 1-це шистонза, правительственной указаниятнень

коряс, ушетфт занятиятне. Сембоп васенце шитнень эзда тонафнемаса ульсь фатяф 11 аф грамотнай и неграмотнай. Но куроконь пингста тяда меле комсомольский организациять лезксонц вельде фатяф тонафнемаса нинге 5 аф грамотнай. Нятнень йоткса занятиятне йотнхть аккуратнайста. Работанъ цебяръ показателхть тя тевса няфнхть Бурдянова и Белкина учительницатне, конат аф грамотнайхнень мархта йотазь ни алфавитть.

Но аф сатыкста тя работаса нинге лама. Кафта аф грамотнайхть апак фатякт тонафнемаса. Шайгованъ РОНО-сь тячимс сатомшка мяль аф шарфни тя государственнай важностень тевть шири. Аф грамотнайхне и малограмотнайхне апак обеспечиндакт учебникса и тетрадьса.

И. Белов.

Сире Шайгованъ р-н.

## Кеподемс воспитательнай работать

ВЛКСМ-нь ЦК-ть X-це пленумоц школаса комсомольский организациятнень работаснон цебяргофтомаса наметил лама конкретнай мероприятият. Школанъ комсомольский организациять эзда кой-кона пионерхне и ученикне внешкольной воспитанияснон организовандамаса няфнхть работанъ образецт.

Но тевсь йофси аф тяфта ащи Сузгарьге велень аф полнай средний школаса. Тяса пионерский отрядтне и самостоятельностень кружокне аф работайхть, мезень сюнеда итне аф шуроста повондыхть ульцять вреднай влияниязна алу. Например, тяфтамкс лувовдовхть 7-це классонъ кой-кона ученикне, конатнень ламошкаса налхкондыхть картаса, таргайхть и нльне хулиганендайхть.

И, кода факт, нят ученикнень хулиганский поведениясна и аф дисциплинированной шисна пяк оцюста

отражается школатъ работанц лангс. Анычек тянь сюнеда тонафнемса кизоть 1-це четвертец эзда школанъ ученикнень обсолютнай успеваемостьсна составляет анычек 77 процент.

Тяфта жа сави азомс, што школаса пяк калдявста тевсь ащи учебнай пособиятнень мархтовок. Тячиень шити самс сембе дисциплина-тнень коряс аф сатни 400 учебник, а идень художественнай литературатъ колга нльне аш мезе корхтамска.

Виде, кда дирекциясь и комсомольский организациясь машфтсазъ итнень коммунистический воспитанияса уликс аф сатыкснень, то школасъ тонафнемса кизоть 11-це четвертец эзда эсь работасонза может сатомс сяда цебяръ результатт.

В. Сурков.

Рузаевканъ район.

## Л. Н. Толстойнь вайгялец тонфильмаса

Ноябрь 20-це шистонза Лев Николаевич Толстойнь кулома шистонза сявомок 30-це годовщинастонза, радио вельде васенцеда транслировандавсь тонфильма, конанъ эса увековечен великай русский писательт вайгялец. Тонфильматъ эса сьорматфт Л. Н. Толстойнь лама сьорманза, Яснай Полянаны итненьди сонъ приветствияц и тейст жа фонографса сьорматф „Рассказ о человеке без ног“. Ташта восковой валикнень эзда Толстойнь вайгяленц тонфильматидукс сьормадомац тиф удовлетворительнайста.

Тонфильмась передавался сембе странатъ эзга. Л. Н. Толстойнь вайгялец арьсеф сьормадомс граммофоннай пластинкас, конат улихть кучфт местнай радиокомитеттненьди.

(ТАСС).

## Фридрих Энгельсть шачема шистонза сявомок 120 киза

Ноябрь 28-це шистонза топотъ-кшви 120 киза Фридрих Энгельсть шачема шистонза сявомок. Тянь инкса районнай лекториятнень эса и Москувонъ предприятиятнень эса организовандавхть докладт и лекцият Карл Марксть великай соратниконц и другонц колга.

ВКП(б)-нь МК-ть и МГК-ть партийнай кабинетсост организовандави выставка. Сонъ эсонза ули няфтьф 100-да лама экспонат—Фридрих Энгельсть рукописензон фотокопиясна, сонъ произведениязон васень изданиясна, газетатне, конатнень эса печатлакшневсть Энгельсть статьясна.

(ТАСС).

## ИСТОРИЧЕСКИЙ КРУЖОК

Сире Шайгованъ средний школаса организовандаф исторический кружок, конанъ лангса руководствать вятьсь историянь преподавательсь И. И. Фирстов ялгась. Тяниень пингть исторический кружокса занимандай 75 ломань.

Кружоксь эсь работанц йотафнесы анычек планц коря. Йотаффт ни 4 занятият. Планц коря арьсеф тематнень коряс поручандакшневи тиёмс старшай классонъ ученикненьди докладт.

1-це темась ульсь „Парижский коммунарь“ колга. Тятематъ коряс тись доклад 9-це классонъ учениксъ Шестаков ялгась, омбоце тематъ коряс тись доклад 9-це „В“ классонъ учениксъ Ионкин ялгась.

Эряви азомс, што кружокть работац йотни пяк живойста. Кружоконъ четлетне примосихть активнай участия докладтнень коряс обсуждениятнень эса. Максомок оцю значения кружковой работати и ниймок эздонза оцю польза, ученикне оцю мяльса сувайхть членкста кружокти.

М. Тарадаев.

Шайговский р-н.



## ШКОЛЬНОЙ ЭРЯФСЬ

Васенце четверть  
результатонза

Зубово-Поляна. Учебный кизоть 1-це четвертенц аделамда меле средний школань преподавательне и ученикне социалистический соревнованиянь договорсонды тисть итокт, конатненъ эзда няеви, што аф кржа учительхть—класснай руководительхть и ученикт эсь лангозост сьавф обязательстваснон пашкодезь честь мархта.

В. М. Саугин ялгать классоцвасень четверть аделазе 100 процентнай успеваемостьса. Успеваемостьс коря тяфтажа цебарь результатт сатсь П. А. Уланова ялгать классоцка. Сонь классонза ученикненъ абсолютнай успеваемостьсна составляет 92 процент.

Эсь обязательстваснон достойнайста пашкодезь Пянова Зина, Велькина Маруся и Прибылова ученикатне.

Сави азомс, што школаса улихть класст и ученикт, коват эсь валснон ашезь кирде. Например, 6-це „А“ класса, коса класснай руководителькс работай В. Н. Кучивась, ученикненъ абсолютнай успеваемостьсна составляет аныцек 43 процент, а Аккуратовась, Гришатинаясь, Седовсь, Черковсь, Стружанцевась и лия ученикне васень четверть аделазь кальдяв оценкаса.

Ив. Паршин.

## ОТЛИЧНИЦА

Кадошкина. Глушка велень средний школань 9-це классонь ученицась-комсомолкась М. Синякина ялгась 8-це классть аделазе отличнай оценкаса. Сон путсь эсь инголенза почетнай задача, штоба 1940—41-це учебнай кизоть тяфтажа аделамс отличнайста.

Синякина ялгась эсь лангозонза сьавф обязательствать пашкодеманц инкса тюри пяк упорнайста и настойчивайста.

Н. Лобанов.

МОСКУВУ САСЬ  
СЛОВАЦКАЯ ТОРГОВАЯ  
ДЕЛЕГАЦИЯСЬ

Тя кизонь ноябрь 20-це шистонза Москву сась словацкая торговая делегациясь. Делегациять возглавляет Ян Орсаг г-нц.

(ТАСС).

ГРЕЦИЯСЬ ВЕШИ ЛЕЗКС  
США-ТЬ ШИРДЕ

США-нь государственнай секретарть (иностраннай тевонь министрть) обязанностензон исполняющац Уэллес печатень представителхненди азозе, што Грециясь анась США-ть кядьста разрешения рамамс оружия и военной снаряжениянь предметт. Уэллес греческий посланникти азозе, што США-сь тя просьбать васьфнесы сочувственна.

„Нью-Йорк таймс“ американский газетась корхтай, што, кода арьсхть, лезксонь колга Грециять просьбанцы американский ответсь кармай ащема сянъ эзда, кда Англиясь откажай США-са кой-кона эсь заказонзон эзда.

(ТАСС).

Добровольной организациятне  
работайхть цебарьста

Мокша Ювня велень аф полный средний школаса пяк действена работайхть ОСО-нь, СВБ-нь и РОКК-нь добровольной организациятне.

ОСО-нь организациясь сентябрь 1-це шинцы 8 ломаньца кассь 22 ломаньц. Тя организациясь старшай классонь ученикненъ эзда пуроптсь ВС-нь кружок, конанц эса кружкоконь члеттне оцю мядса тонафнихть винтовать материальной частензон и баллистикать. Школаса организовандаф ПВХО-нь кружок.

Тяда башка осовиахимский организациять работань планонц коряс аккуратна йотафневихть ОСО-нь члеттненъ мархта общай собраният, конатненъ эса сидеста путневихть кизефкт родинань-конь международнай положениять колга.

Цебарьста работай РОКК-нь первичнай организациясь. Сонь руководителенц Т. И. Ерюшова ялгать инициативанц вельде организовандаф ГСО-нь кружок. Тя кружокть участниконза анокласазь санитарнай оборонати эсь пряснон сембе ширде.

Школась ламода цебарьгофтозе СВБ-нь первичнай организациять-ке, конанц детворать йоткса мольфти оцю работа. Мекольденъ пингть антирелигиознай темас путфоль интереснай доклад, конань ученикне кулхцондозь пяк оцю интереса и вешсть, штоба тяфтама докладт путнемс сядя сиденяста.

Эряви азомс, што нят сембе воспитательнай мероприятиятненъ мархта учащайхне иляткшихть пяк довольнайста.

Шичкин.

Торбеевань район.



СНИМКАСА. Торбеевский школань ученикне-отличникне.

Фотось В. Ивенинтъ.

## Англо-германский войнась

Германский информационный бюрось пачфнесы, што, сяс мес английский авиациясь бомбардировандазень Гамбургть, Бремонтъ и Кильть, германский авиациясь ноябрь 20-це шинц карша веть 10 частонь пингс бомбардировандазе Англиять величинас коря омбоце ошентъ—Бирмингамть. Сядот бомбардировщикт йордасть 500 тьожянь килограмма бомба, конатненъ эзда частьсь ульсь сембодя крупной калибраса. Тифт стама жа оцю разрушения, кодапт и Ковентриясь.

Бирмингамсь ащи центракс английский сталелитейнай промышленностти. Тяса жа улихть огнестрельнай оружиянь заводт и патроннай заводт.

Американский телеграфнай агентстватненъ корреспондентснон валснон коряс, ноябрь 19-це шистонза илять тяфта жа виюста бомбардировандафт Лондонць и центральной Англиянь фкя ош.

Рейтер агентствась пачфни Ковентриясь германский авиациять налетонц эзда жертватненъ калма-маснон колга. Ошса стаки молихть спасательнай работат. Ковентриясь жертвада сядя лама, чем арьсекшневь.

Кода пачфнесы английский авиациянь министерствась, ноябрь 20-це шинц карша веть английский самолеттне бомбардировандазъ Берлинтъ и Германиять лия пунктонзон.

(ТАСС).

КОЛМА ДЕРЖАВАТНЕНЬ ПАКТСНОНДЫ  
ВЕНГРИЯТЬ СУВАМАЦ

Германский информационный бюрось пачфнесы, што ноябрь 20-це шистонза германский иностраннай тевонь министрсь Риббентроп, итальянский иностраннай тевонь министрсь Чиано, Берлинца японский посолсь Курусу и венгерский

иностраннай тевонь министрсь Чаки подписали Венаса протокол Венгриять ся тройственнай пактти суваманц колга, кона тиф 1940 кизонь сентябрь 27-це шистонза Германиять, Италиять и Япониять йоткса.

(ТАСС).

## АНОКЛАЙХТЬ ТЯЛОНЬ СЕЗОНТТИ

Мордовский педагогический институтса моли спортивной тялонь сезонтти анокламась. Организовандаф од лыжной группа. Нят шитненъ тя од группати ульсь лувф лекция лыжной спортть колга, конанц лувозе Саранск ошень инь цебарь лыжниксь Озарнин ялгась. Тя лекциять эзда од лыж-никне содазь, кода эряви якамс лыжатненъ лангса и синь мельгаст.

Тяни нят ялгатненъ йоткса йотни предварительнай аноклама лыжной сезонтти. Синь занимадакшихть лыжаса и гимнастический упражненияса. Занятиятненъ йотафнесазь Озарнин и Лисенков ялгатне.

Тялонь сезонтти оцю аноклама работа йотафневи и Саранск ошень идень парксонга. Тяса иттненди рамасть 15 пар лыжа и 40 пар конька. Тяда башка иттненди ули тиф курькснемс васта.

В. Моськин.

Саранск ош.

Ащи ширеса колхозть  
тевонзон эзда

Партиянь 18-це с'ездсь эсь исторический решениянзон эса Ленинско-Сталинский комсомолть инголи путсь огромнай важностень задачат. Лиякс мярьгомс, тоса ко-са аш партийнай организация, комсомольский организациясь канды ответственность сембе хозяйствен-но-политический мероприятиятненъ эряфс йотафтомаснон инкса.

Кизефневи, кода жа пашкоткшне-невихть партиянь 18-це с'ездть исторический решениянза Исса-прянь „Молот“ колхозса? Ответсь фкя—ковга аф кондастиста.

Комсомольский организациянь секретарсь Юхтин ялгась прокс аф лифни кодамовок интерес колхознай производствать колга. Аф ваномок сянъ лангс, што колхозса дисциплинась пяк лафча, хозяй-ственно-политический мероприя-тиятне пашкоткшне-невихть оцю опоздания мархта, государствати съоронь поставкась педа-пес апак пашкодть. Съоротъ эзда часть лядсь паксав апак урядак.

Тяка пингова тяфтажа эряви азомс, што комсомольский организациясь аф вяти руководства колхозникненъ йоткса политико-массовой и воспитательнай работать колга. А тя, вдь, сонь прямой обязанностец и канды ответственность вышестоящай комсомольский оргаттненъ инголе.

ВЛКСМ-нь Инсарский райкомти тя тевсь эряви проверямс и максомс практический лезкс комсомольский организациять коренной-ста одукс тиemanцы.

Липенкин.

Инсарань район.

Аф грамотность  
машфтома нинге истъ  
кярьмоде

Паева велеса аф грамотнайда и малограмотнайда сембоц аф 310 кржа ломань, но синь мархтост нинге работа аф вятеви.

Велеса уликс организациятне, кода велень исполкомсь, первичнай комсомольский организациясь, школась и сияь руководительсна Макушкинць, Келинць и Буянкинць тя работать лангс ваныхть суронь-бачк.

Работань тя участкать эса тяфтажа аф максси сатомшка лезкс РОНО-сь.

Кадошкинский р-н.

Ответ. редакторсь И. ЧУДАЙКИН.